



Մ Ա Յ Ր Ա Թ Ո Ռ Ո Ւ Մ

ՀՈԿՏԵՄԲԵՐԻ 31-ին, ՀԻՆԳՇԱՐԹԻ, Հոգեվոր Ճեմարանում իր երկրորդ բանախոսությունը կարդաց գերաշնորհ Տ. Մամբրե արքեպիսկոպոս Գալֆայանը «Ամերիկայի հայոց թեմն ախօր» նյութի շուրջ, որը լավեց մեծ հետաքրքրությունը:

Բանախոսության ներկա էր Վեհափառ Հայրապետը, որը վերջում գոհունակություն հայտնեց Մամբրե սրբազանին նրա շահեկան բանախոսության համար:

ՆՈՅՆՄԱՐԵՐԻ 2-ին, ՇԱՐԱԹ, առավոտյան ժամը 8-ին, գերաշնորհ Տ. Մամբրե արքեպիսկոպոս Գալֆայանը ինքնաթիռով մեկնեց Մոսկվա:

Երևանի օդանավակայանում սրբազանին ճանապարհեցին Մայր Աթոռի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը, Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը, հոգեշնորհ Տ. Եղիշե վարդապետ Սարգսյանն ու հոգեշնորհ Տ. Վահան վարդապետ Գալամդարյանը:

ՆՈՅՆՄԱՐԵՐԻ 3-ին, ԿԻՐԱԿԻ, Մայր Տաճարում պատարագեց արժանապատիվ Տ. Արամ քահանա Բոյաճյանը: Սուրբ պատարագը երգեց հյուրաբար Մայր Աթոռում գտնվող Լենինականի Ս. Աստվածածին եկեղեցու քառաձայն երգեցիկ խումբը:

Սուրբ պատարագին ներկա էր Վեհափառ Հայրապետը:

ՆՈՅՆՄԱՐԵՐԻ 6-ին, ՉՈՐՆԲՇԱՐԹԻ, առաջին անգամը վառվեց Վեհարանի բակում նոր պատրաստված թոնիրը: Վեհափառ Հայրապետը թոնիրում թխած հայկական անուշաբույր լավաշով, պանրով և պես-պես կանաչինեղով հյուրասիրեց Մայր Աթոռի միաբանությանն ու վանքի պաշտոնեականը: Վեհարանի ամենահամեղ ճաշն էր այս:

ՆՈՅՆՄԱՐԵՐԻ 10-ին, ԿԻՐԱԿԻ, Մայր Տաճարի Ավագ Սեղանի վրա սուրբ պատարագ մատուցեց արժանապատիվ Տ. Մկրտիչ քահանա Մկրտչյանը: Քարոզեց հոգեշնորհ Տ. Հայրիկ վարդապետ Ավետիսյանը «Երանի խաղաղարարաց, զի նոքա որդիք Աստուծոյ կոչեացին» բնաբանով:

ՆՈՅՆՄԱՐԵՐԻ 11-ին, ԵՐԿՈՒՇԱՐԹԻ, Մայր Աթոռ ժամանեց Կալիֆոռնիայի Թորնտոն քաղաքի հոգեշնորհ Տ. Բաբգեն վարդապետ Վարժապետյանը:

Երևանի օդանավակայանում հոգեշնորհ Տ. Բաբգեն վարդապետին դիմավորեցին գերաշնորհ Տ. Հայկազուն սրբազանը, հոգեշնորհ Տ. Ասողիկ և Տ. Վահան վարդապետները:

ՆՈՅՆՄԱՐԵՐԻ 14-ին, ՀԻՆԳՇԱՐԹԻ, Վեհափառ Հայրապետի հրամանով հոգեշնորհ Տ. Վահան վարդապետ Գալամդարյանը նշանակվեց Արարատյան թեմի Հայրապետական ներկայացուցիչ և առաջնորդական փոխանորդ:

ՆՈՅՆՄԱՐԵՐԻ 14-ին, ՀԻՆԳՇԱՐԹԻ, ժամը 4-ին, Հոգևոր Ճեմարանում բանախոսեց հոգեշնորհ Տ. Ասողիկ ծայրագույն վարդապետ Ղազարյանը «Հեռավոր Արևելքի՝ Հնդկաստանի, Չինաստանի և Ավստրալիայի հայ դպրուկները» թեմայի շուրջ: Բանախոսությունը լավեց մեծ հետաքրքրությունը:

Վերջում վերատեսուչ գերաշնորհ Տ. Հայկազուն սրբազանը ջերմ շնորհակալություն հայտնեց Ասողիկ վարդապետին՝ նրա բովանդակալից բանախոսության համար:

ՆՈՅՆՄԱՐԵՐԻ 21-ին, ՀԻՆԳՇԱՐԹԻ, «Ընծայումն Ս. Աստուածածնի ի Տաճարն»: Մայր Տաճարում իր քահանայական առաջին սուրբ

պատարագը մատուցեց նորրնծա արժանապատիվ Տ. Հովհաննես քահանա Դանիելյանը:

ՆՈՅՆՄԱՐԵՐԻ 23-ԻՆ, ՇԱՐԱԹ, Մայր Աթոռ ժամանեց Ադրբեջանի թեմի առաջնորդական փոխանորդ հոգեշնորհ Տ. Տիրայր վարդապետ Մարտիկյանը թեմական գործերով:

Վեհափառ Հայրապետը ժամը 3-ին հոր Վիրապից վերադարձավ Մայր Աթոռ լավագույն տպավորություններով:

ՆՈՅՆՄԱՐԵՐԻ 26-ԻՆ, ԵՐԵՎԱՆԻ, Ս. Իշման Սեդանի վրա եպիսկոպոսական իր անդրանիկ պատարագը մատուցեց գերաշնորհ Տ. Ասողիկ եպիսկոպոս Ղազարյանը և քա-



ՎԵՀԱՓԱՌ ՀԱՅՐԱԹԵՍԸ

ԽՈՐ ՎԻՐԱՊԻ ՎԱՆՔՈՒՄ

ՆՈՅՆՄԱՐԵՐԻ 25-ԻՆ, ԵՐԵՎԱՆԻ, ՎԵՀԱՓԱՌ Հայրապետը, առավոտյան ժամը 11-ին, առաջին անգամը լինելով, տխրի գնաց հոր Վիրապ: Վեհափառ Հայրապետին ընկերակցում էին գերաշնորհ Տ. Սահակ արքեպիսկոպոսը, գերաշնորհ Տ. Ասողիկ եպիսկոպոսը, հոգեշնորհ Տ. Մեսրոպ վարդապետը, ճարտարապետներ պր. պր. Մ. Մազմանյանը, Վ. Հարությունյանը, Բաֆֆի Իսրայելյանը և Մայր Աթոռի ճարտարապետ Ա. Գալիկյանը: Վեհափառ Հայրապետը իջավ հոր Վիրապ, իր աղոթքն ասաց և ուխտը կատարեց: Ապա տեղվույն վրա քննվեց հոր Վիրապի եկեղեցու վերանորոգության աշխատանքների նախագիծը:

րողեց «Քանզի ի սմա ծագեաց մեզ լոյս ի Հայաստան աշխարհի» բնաբանով:

ՆՈՅՆՄԱՐԵՐԻ 27-ԻՆ, ՉՈՐԵՔՇԱՐԹԻ, ՎԵՀԱՐԱՆՈՒՄ, Վեհափառ Հայրապետի նախագահության տակ, տեղի ունեցավ ճարտարապետների խորհրդակցություն՝ Մայր Աթոռի 1958 թվականի շինարարական աշխատանքների նախագծերի պատրաստության կապակցությամբ: Խորհրդակցությանը մասնակցում էին ճարտարապետներ պր. պր. Միքայել Մազմանյանը, պրոֆ. Կարո Ղաֆադարյանը, Վարազդատ Հարությունյանը, Բաֆֆի Իսրայելյանը, Կոթիկ Հովհաննիսյանը և Մայր Աթոռի ճարտարապետ Արծրունի Գալիկյանը:

Խորհրդակցության մասնակցում էր նաև Երևանի Պոլիգրաֆ կոմբինատի ինժեներ-ճարտարապետ Մատինյանը՝ Մայր Աթոռի տպարանի բացման աշխատանքների կապակցությամբ:


Խորհրդակցության ընթացքում կազմվեց Մայր Աթոռի 1958 թվականի շինարարական աշխատանքների ծրագիր:

ՆՈՅՆՄԱՐԵՐԻ 28-ԻՆ, ՀԻՆԳՇԱՐԹԻ, Մայր Տաճարում, Ս. Իջման Սեղանի վրա, եպիսկոպոսական իր անդրանիկ պատարագը մատուցեց գերաշնորհ Տ. Կոմիտաս եպիսկոպոս Տեր-Ստեփանյանը և քարոզեց «Հոգի Տեառն ի վերայ իմ» բնաբանով:

Բանախոսությունը լսվեց մեծ բավականությամբ: Վերջում վերատեսուչ Տ. Հայկազուն սրբազանը ջերմագին շնորհակալություն հայտնեց Տիրայր վարդապետին՝ նրա շատ հետաքրքրական և շահեկան բանախոսության համար:

ՆՈՅՆՄԱՐԵՐԻ 30-ԻՆ, ՇԱՐԱԹ, առավոտյան ժամը 8-ին ինքնաթիռով Մոսկվա մեկնեց գերաշնորհ Տ. Ասողիկ սրբազանը:

Երևանի օդանավակայանում սրբազանին ճանապարհեցին գերաշնորհ Տ. Հայկազուն սրբազանը և հոգեշնորհ Տ. Վահան և Տ. Նղիշե վարդապետները:



ԽՈՐ ՎԻՐԱՊԻ ՎԱՆԲԸ

ՆՈՅՆՄԱՐԵՐԻ 29-ԻՆ, ՀԻՆԳՇԱՐԹԻ, երեկոյան ժամը 4-ին, Հոգեւոր Ճեմարանում բանախոսեց Ադրբեջանի թեմի առաջնորդական փոխանորդ Տ. Տիրայր վարդապետ Մարտիրոսյանը, «Անդրկասպյան երկրների՝ Թուրքեստանի և Ուզբեկստանի հայ գաղութները» թեմայի շուրջ:

Վերջերս Տ. Տիրայր վարդապետը, Վեհափառ Հայրապետի հրամանով, հովվական այցելություն էր կատարել Կասպյան երկրները:

ՆՈՅՆՄԱՐԵՐԻ 30-ԻՆ, Ս. Թադեոս և Ս. Բարթոլիմեոս առաքյալների տոնի առթիվ, Մայր Տաճարում սուրբ պատարագ մատուցեց հոգեշնորհ Տ. Մաշտոց աբեղա Թաշիրյանը:

ՆՈՅՆՄԱՐԵՐԻ 30-ԻՆ, ՇԱՐԱԹ, առավոտյան ժամը 11-ին, Վեհափառ Հայրապետը Երևանում այցելեց Հոկտեմբերյան Մեծ ռեուլյուցիայի 40-ամյակի առթիվ կազմակերպված

Ժողովրդական տնտեսության և մշակույթի
ռեսպուբլիկական ցուցահանդեսը: Վեհափառ
Հայրապետին ընկերակցում էին գերաշնորհ
Տ. Բարզեն և Տ. Կոմիտաս եպիսկոպոսներն
ու հոգեշնորհ Տ. Տիրայր և Տ. Մեսրոպ վար-
դապետները:

Ցուցահանդեսում բացատրություններ տվեց
երևանի Պետական պատմական թանգարանի
ղիրեկտոր պրոֆ. Կարո Ղաֆադարյանը:
Վեհափառ Հայրապետը հանգամանորեն ծա-
նոթացավ ցուցահանդեսի բոլոր բաժիններին:

Վերջում Վեհափառ Հայրապետը իր տպա-
վորությունները գրեց պաշտոնական այցե-
լուծների ոսկեմատյանում:

«Այսօր, 30 նոյեմբերի 1957-ին, այցելե-
ցինք մեր Հայրենիքի ժողովրդական տնտե-
սության և մշակույթի ցուցահանդեսը:

Դիտելով այն, ինչ ցուցադրված է ավելի
քան տասնևութ սրահներու մեջ, և՛ հիացանք,
և՛ խորապես մխիթարվեցանք, և ինչո՞ւ չէ,
և՛ հպարտացանք փառավոր արդյունքներովը
մեր վերածնած փոքրիկ ժողովրդի աշխա-
տանքին, որ իր բոլոր ուժերը լարած, կկեր-
տե իր նոր կյանքը և իր պայծառ ապագան:
Պատի՜վ և փա՛ռք տաղանդաշատ և աշ-
խատասեր հայ ժողովրդին»:

